

續山東考古錄

廿二之廿七

EX 140

P32-2

15

建設總  
署收藏  
圖書之章

續山東考古錄卷之二十二

滄州葉圭綬子佩甫述

曹州府上

荷澤縣

周曹鄆邑 葭密邑

鄆邑故城在西北三里又名大饗城春秋昭公二十年曹公孫會自鄆出奔邾杜注曹邑魏志乘氏有大鄉城寰宇記乘氏縣大饗故城在縣西北三里故老云古之鄆城也後改爲大饗城金志濟陰有饗城鄆城誤分爲二鄆公羊作夢竹書紀年幽公十三年魯季孫會晉侯於楚邱取葭密遂城

續山東考古錄

卷之二十一

荷澤縣

一 蝸角尖廬

之此本寰宇記引水經注引作幽王

朱氏曰當作公

十三年魯季孫

會晉文公

當作幽公

於楚邱卽葭密遂城之按葭密非楚邱紀年

考證從寰宇記未詳爲何國地

時曹久滅非衛卽宋

卽漢縣

春秋桓公十二年公會宋公燕人盟於穀邱杜注宋地左傳公欲平宋鄭秋公及宋公盟於句瀆之邱杜注卽穀邱也水

經注濮水

自鹿城

又東與句瀆合句瀆首受濮水枝渠於句陽

縣東南逕句陽縣故城南春秋之穀邱也左傳以爲句瀆之邱矣按句陽在曹衛之界以爲宋地已不能無疑又考襄公十九年左傳齊靈公使高厚傅公子牙以爲太子夙沙衛爲少傅崔杼微逆光疾病而立之莊公立執公子牙於句瀆之

邱夙沙衛奔高唐以叛夫牙既爲太子無遠處宋地之理光  
之來也牙不能知無由於侍疾嘗藥之時先奔他國衛爲少  
傅從牙可知已至宋地何以反奔高唐是必光立而牙始出  
奔不遠追執以去二十一年復討牙黨執公子買於句瀆之  
邱二十八年崔氏之亂喪羣公子公子賈在句瀆之邱牙買  
賈經傳皆不言出奔宋又哀公十六年齊囚王豹於句瀆之  
邱史記齊太公世家魯殺子糾於笙竇賈逵曰笙瀆魯地句  
瀆也是當爲齊魯竟上邑或宋地有同名者酈氏本應劭漢  
書注因一句字同而附會之耳未敢逕從

春秋僖公二十一年盟於鹿上杜注宋地汝陰有原鹿縣水

續山東考古錄

卷之二十二

荷澤縣

二 蝸角尖廬

經注濮水

自葭密北

又東北逕鹿城南春秋云云京杜並謂此亭

也按此或京氏說也今未敢從

又襄公十七年左傳衛孫蒯田於曹隧飲馬於重邱按此自  
是曹衛竟上邑但杜注第云曹地不云何在舊唐志以乘氏  
爲春秋之重邱蓋應劭誤以乘氏爲乘邱詳鉅野此重字乃乘

字形訛耳寰宇記乘氏縣下本此以廩邱爲重邱夫廩邱齊

地重邱曹地

齊別有重邱

混而一之可乎唐宋廩邱故城屬雷澤

不屬乘氏魏志乘氏有廩城其時廩邱未省乃鹿城之訛耳  
竹書紀年惠成王十六年邯鄲伐衛取漆富邱城之十七年  
齊田期伐我東鄙戰於桂陽我師敗逋水經注云亦曰桂陵

寰宇記冤句縣漆園城在縣北五十里卽漆城史記正義桂陵城在乘氏縣東南二十一里考水經注濮水側有漆城又有桂城又東逕衛蒲邑城又東逕白馬縣之章城又東逕長垣故城北又東逕須城北又東逕濮陽縣城南又東逕濟陰離狐縣故城北此離狐乃漢城在縣西北離狐城之西北已非縣境所有謂漆城桂陵在縣境竊所未信又煮棗城元和志稱在冤句西北四十里又陽晉城在廩邱東南近志皆謂在縣境今不從

漢兗州濟陰郡冤句縣呂都縣葭密縣句陽縣及乘氏縣地後漢

志乘氏有鹿乘鄉卽鹿城舊說在縣東又東郡離狐縣地詳下元和志濟陽故城在冤句西南今非縣

續山東考古錄 卷之二十二 荷澤縣 三 蝸角尖廬

境

冤句縣故城在西南四十里漢書郊祀志黃帝得寶鼎冕侯卽冤句然則句當讀如鈞矣

呂都縣故城在西南三十里今呂陵集

葭密縣故城在西北二十五里今葭密寨

句陽縣故城在北二十里今句陽店

後漢兗州濟陰郡冤句縣句陽縣及乘氏縣地離狐縣地後漢末離

狐曾置郡縣當屬之旋省魏因之黃初七年句陽爲縣王國太和六年復故

王敏徙封琅邪晉因之

後魏西兗州濟陰郡乘氏縣冤句縣離狐縣太和十二年復置

乘氏縣於此魏志乘氏有梁邱城是東境至今城武縣北乘氏故城仍其所有矣移離狐縣來治

移縣之年未詳高齊因之

後魏乘氏縣即今縣治寰宇記乘氏縣後魏太和十二年於今理置乘氏縣取漢縣為名 通考乘氏唐縣誤

後魏離狐縣故城在西北四十里魏志離狐有離狐城寰宇記南華縣前離狐縣在今縣西北三十三里後魏時移於今理蓋本其縣地也

宇文周曹州濟陰郡乘氏縣宛句縣離狐縣

隋曹州濟陰郡乘氏縣宛句縣滑州東郡離狐縣乘氏亂廢

唐河南道曹州濟陰郡乘氏縣宛句縣南華縣武德四年復置乘氏

縣又析置陽晉縣尋省入乘氏天寶元年改離狐為南華五代

續山東考古錄 卷之二十二 荷澤縣 四 蝸角尖廬

因之

陽晉縣故城在西北三十七里新唐志乘氏下武德四年置

陽晉縣史記正義陽晉故城在乘氏西北三十七里蓋誤以

唐縣為古邑也

宋京東西路興仁府濟陰郡乘氏縣宛亭縣南華縣元祐元年

改宛句為宛亭

金山東西路曹州治濟陰縣大定六年省乘氏入濟陰八年濟

陰城圯於河來治後魏乘氏故城州治並徙宛亭城亦圯於河

省入濟陰州本隸南京路太和八年屬通考曹州金隸河南道誤

元直隸都省山東曹州治濟陰縣州初隸東平路至元二年析

隸省部

明山東布政司兗州府曹州洪武元年廢濟陰縣其地直隸於州徙治今曹縣之安陵鎮今縣仍為曹州地又徙今曹縣州降為縣又為曹縣地正統十年復置曹州於後魏乘氏故城

明志曹州正統十年十二月以曹縣之黃河北舊土城置按縣南有俗離河即賈魯河下流非黃河 一統志曹州元濟

陰縣舊治

國朝山東布政司曹州府治荷澤縣初因明舊雍正二年曹州直隸布政司十三年升府並置荷澤縣為府治

曹州志

康熙十三年修知州佟企望置荷澤縣後尚無縣志

古蹟最蕪雜州舊領

續山東考古錄

卷之二十二

荷澤縣

五 蝸角尖廬

曹定陶兩縣既不依府志例並所屬一體纂修獨載二縣古蹟又不明白分屬竟似盡在本州境者甚不合 明代廢縣州又降縣又別置州再遷而治今曹縣三遷而州自州縣自縣兩地沿革古蹟遂至混淆莫辨紀要將乘氏句陽桂陵陽晉諸城槩列曹縣此志並及柘縣南燕平陽等城又非州境所有矣

曹縣

古貫國一作貫商都景亳又莘國周宋貫邑

楚邱邑

北境有曹國地

東境有戎州地

貫國故城在

里禮記明堂位崇鼎貫鼎寰宇記濟陰縣

貫城古貫國也明堂位云云春秋僖公元年盟於貫杜注宋地梁國蒙縣西北有貫城貫與貫字相似水經注汧水又東逕貫城南俗謂之亳城非也關駟十三州志以爲貫城也春秋云云杜預云云貫在齊爲貫澤是非此也按貫公羊作貫澤道元以爲在齊今未詳其地漢有貫齊合侯傳胡害卽此城 紀要引舊志云貫城在濟陰縣南據金縣言六十五里以爲在今縣西十里括地志謂在濟陰南三十里再考

書至于亳鄭康成云今河南偃師蔡傳在宋州穀熟縣春秋莊公十三年公子御說奔亳杜注宋邑蒙縣西北有亳城又二十一年公會諸侯盟於薄哀公十四年傳宋公曰薄宗邑

續山東考古錄

卷之二十二

曹縣

六 蝸角尖廬

也則薄卽亳矣漢志薄縣下臣瓚曰湯所都按晉時薄縣省入蒙故杜預云然孟子湯居亳與葛爲鄰春秋桓公十五年葛人來朝杜注葛在梁國寧陵縣東北卽今河南寧陵縣曹縣西南與接壤穀熟爲南亳西北去寧陵固不遠先賢謂偃師去寧陵八百餘里湯不能使民爲之耕以南亳爲湯都不知蒙亳去葛僅四五十里較南亳尤近蒙亳卽景亳又稱北亳故城在汧渠北卽漢薄縣縣屬山陽郡山陽屬縣無在汧南者乃水經注云汧水卽汧今黃河自貫城又東逕蒙一木此字訛作違蓋逕字重出又訛又脫蒙字縣故城北俗謂之小蒙城西征記城在汧水南十五六里又東逕大蒙城北自古不聞有二蒙疑可見非定論卽蒙亳也所謂景亳

為北亳矣按據此是亳在蒙東與杜注不合其誤甚明而汲水實逕薄縣南上文並未之及其所謂貫城其時實名亳城乃以為俗名而以當貫城反以大蒙為亳城不知此即景亳北亳蒙亳漢薄縣城耳紀年考證三代亳地圖此亳亦在汴北與余說合而仍遵酈注以大蒙為景亳然則南北二亳之北多一亳矣殊不合

據杜預說貫與亳皆在蒙縣西北疑縣為大蒙城而小蒙城即貫城不然以古蒙邑漢蒙縣不應反得小蒙之名貫城近蒙因名小蒙隋初貫城名蒙澤縣疑貫本有蒙稱也備考

莘國故城在北十八里今莘仲集孟子伊尹耕於有莘之野春秋僖公二十八年左傳城濮之戰晉侯登有莘之墟以觀晉師又晉師陳於莘北杜注國名按晉方滅曹而南救宋遇

續山東考古錄

卷之二十二 曹縣

七 蝸角尖廬

楚師避之三舍而次城濮莘國在此無疑元和志莘仲故城在濟陰縣東南三十里即此城其陳留縣又云故莘城在東北三十五里乃春秋時神降於莘之莘此城南近景亳伊尹所耕當在此四書釋地謂在彼似誤若陝西郃陽縣南二十里有莘國城又詩續女維莘之莘矣

楚邱邑故城在東北 十里 楚邱集北 春秋隱公七年戎伐

凡伯於楚邱以歸襄公十年宋公享晉侯於楚邱皆此地漢志成武下以為衛文所遷杜預酈道元皆從之前錄已辨其

誤前錄辨此為曹邑非衛邑謂衛邑在今滑縣開州之間考水經注濮水支津東逕鉅邱城南京相璠曰今濮陽城西南十五里有沮邱城六國時沮楚同以為楚邱非也案衛自漕邑遷楚邱又遷帝邱漕邑漢白馬縣地帝邱即今開州東



南濮陽城此沮邱在濮陽西南十五里卽楚邱矣濟出爲澮  
通作沮竹書紀年魯季孫會晉侯於楚邱取葭密葭密在今  
荷澤西北二十五里西北至此楚邱五六十里是此城正作  
楚邱又爲衛地寰宇記曰楚邱城在衛南縣西北四里詩云  
定之方中作於楚宮城豕記齊桓公作楚邱之城卽此衛南  
縣卽衛漕邑故城隋初於彼置楚邱縣後以曹州有楚邱縣  
改爲衛南據此衛楚邱在彼不在此古有明文酈氏泥班杜  
誤說反以是爲非而以非爲是寰宇記則兩地皆以爲衛楚  
邱又但以爲曹邑未知何據路史以爲宋地宋公享晉侯於  
此似可信又以爲卽已氏邑再考

漢兖州山陽郡薄縣及成武縣地楚邱濟陰郡定陶縣地左城又

豫州梁國已氏縣

薄縣故城在南二十五里

已氏縣故城在東南四十里今楚邱集

續山東考古錄

卷之二十二

曹縣

八 蝸角尖廬

後漢豫州梁國薄縣兖州濟陰郡已氏縣及成武縣地定陶縣

地魏薄縣未詳省否

後漢建初四年以薄已氏益梁國未詳已氏何時還屬

晉兖州濟陰郡已氏縣及成武縣地定陶縣地豫州梁國蒙縣

地

後魏西兖州治濟陰郡治左城爲定陶縣地州初置於縣城後

與郡並來治又沛郡治孝昌城與和二年置

未詳時爲何縣地

又所屬

已氏縣又北譙郡寄治已氏縣屬揚州永平元年置又安陽縣

高齊廢北譙沛二郡及安陽縣已氏縣周改西兖州曰曹州

左城在西北六十里

左山之陽

又名葬城元和志曹州下後魏於

定陶城置西兖州周武帝改曹州按魏志西兖州後徙左城

水經注濟水東北逕定陶恭皇陵南瀆南魏郡治也世謂之左城則州郡同徙左城矣

孝昌城在西四十里今沛郡都魏志西兗州沛郡治孝昌城隋志濟陰下後魏置沛郡考後魏無濟陰縣此城隋時屬濟陰疑亦定陶地

安陽縣故城在東北

里

楚邱集北三十八里

魏志北譙郡有安陽

縣隋志楚邱縣後魏於此置北譙郡魏志沛郡已氏下有安陽城蓋北譙郡寄治已氏而已氏並不屬之安陽則置於古安陽城也或謂北譙郡自治安陽縣隋時仍為楚邱地故志云然備考通鑑宋義行至安陽胡注師古曰今相州安陽

續山東考古錄

卷之二十二

曹縣

九

蝸角尖廬

縣索隱曰傳寬傳云從攻安陽杠里則當俱在河南師古以為相州縣按此兵猶未度河不應即至相州安陽後魏書地形志已氏有安陽城今宋州楚邱西北四十里有安陽故城是也余按寰宇記楚邱縣安陽城在縣北三十八里城冢記云楚漢相守築此城胡注允矣但宋義至此時楚漢尙未相守此城似戰國邑城也寰宇記後魏改已氏為北譙郡誤

隋

曹州濟陰郡

治濟陰縣

宋州梁郡

楚邱縣開皇四年復置已氏縣六年

改楚邱十六年析定陶於州治置濟陰縣又於貫城置外黃縣十八年改蒙澤大業二年省入濟陰

隋志濟陰下後魏置沛郡後齊廢考隋濟陰縣乃後魏濟陰

郡治沛郡自治孝昌城此誤也開皇十六年置縣見寰宇記志亦漏載通典曹州下後魏置沛郡及西兗州與魏志顯不合與隋志皆因魏志西兗州首沛郡致誤括地志貫城今蒙澤城是也

唐河南道曹州濟陰郡治濟陰縣武德四年復置蒙澤縣貞觀元年

省定陶蒙澤入濟陰又宋州睢陽郡楚邱縣初屬戴州貞觀七年來

屬光化二年屬輝州五代梁還隸宋州晉開運二年升曹州為

威信軍漢復故周廣順二年升彰信軍

舊唐志曹州下武德四年并置蒙澤普陽二縣其年省普陽

疑即安陽改通典濟陰下漢濟陰郡城今縣是也按漢郡

續山東考古錄卷之二十二曹縣十 蝸角尖廬

治定陶縣通考唐改為濟陰縣誤

宋京東西路興仁府濟陽郡彰信軍節度治濟陰縣太平興國

二年復析置定陶縣建中靖國元年改軍曰興仁崇寧元年升

興仁府軍還故號大觀二年升督府政和八年復為輔郡又應

天府楚邱縣崇寧四年屬拱州本襄邑縣是年置州大觀四年復故拱州廢

政和四年仍屬拱州是年復置州宣和二年復故拱州又廢

金南京歸德府楚邱縣及山東西路曹州濟陰縣地大定八年

縣徙後魏乘氏故城州並徙

元直隸都省山東曹州楚邱縣又濟陰縣地

明山東布政司兗州府曹州曹縣洪武元年濟陰縣廢州來治安陵

鎮二年移磐石鎮廢楚邱縣其地直隸於州四年州降爲曹縣屬濟寧府正統十年復置曹州隨曹州來屬

洪武元年曹州故城在西北七十里本安陵鎮古穰侯城水

經注濟水自宛句南又東逕秦相魏冉塚南秦宣太后弟也卒於

陶因葬焉世謂之安平陵寰宇記濟陰縣穰侯城在縣左西城

十七里卽此二年所徙卽今縣治 明志曹縣下元曹州治

濟陰縣洪武元年省入州二年州治自北徙磐石鎮四年降

爲縣按元州縣並因金治卽今荷澤縣明初南徙安陵非北

徙此北字當是此字之訛一統志通志府縣志並云元年徙

安陵史少此一徙或以爲時無幾不之數歟

續山東考古錄

卷之二十二

曹縣

土 蝸角尖廬

國朝山東布政司曹州府曹縣初因明舊雍正二年屬曹州直隸州十三年州升府仍屬

縣志康熙五十五年修知縣郭道生沿革商代北境爲南燕國詳雜考

漢於定陶西北置濟陰縣古蹟孟海公城在左山

側唐濟陰縣誤互詳雜考

定陶縣

古陶國夏三鬲國周曹國都後入宋戰國入魏仍曰陶又曰定

陶又名釜邱

說文陶邱有堯城堯嘗居之後居於唐漢書高紀薛瓚注堯

初居於唐後居陶竹書紀年堯八十九年作游宮於陶九十

年帝游居於陶寰宇記引雜說定陶卽帝堯之所都宋永初  
山川記堯先居唐後居陶余謂堯以唐侯人繼大統而葬在  
成陽晚年居陶近是 尚書序湯伐三鬻孔安國注今定陶  
後漢志定陶有三鬻亭元和志濟陰縣古曹國在縣東北四  
十七里三鬻亭在縣東北四十九里是亭在定陶故城東北  
二里也寰宇記三鬻亭在定陶東北三十里衍十字近志以  
爲卽曹國城似誤又左傳舜封董父於鬻川或以爲卽三鬻  
也鬻一作鬻 史記曹叔世家武王封叔振鐸於曹注宋忠  
曰今濟陰一本誤作陽定陶縣漢志定陶故曹國元和志古曹國  
故定陶城是也曹滅於宋曹於春秋末已滅而孟子曹交問曰趙岐注以爲曹君之弟觀其欲  
續山東考古錄 卷之二十二 定陶縣 主 蝸角尖廬

見鄒君孟子不聽受業頗似挾貴之流 四書釋地謂如田氏封薛理或然也

宋滅後地分入齊魏

楚戰國策楚人說頃襄王外擊定陶則魏之東外棄是地析  
入魏定陶名起於戰國也 竹書紀年今王九年薛侯來會

王於釜邱水經注陶邱墨子以爲釜邱 秦穰侯魏冉邑於  
陶魯仲連陶衛並稱其時儼自爲國侵剛寧陽北及壽東平西南

廣陶封陶國且踰春秋魯衛矣 晉司馬奇貶三鬻亭侯疑卽三鬻

漢兖州濟陰郡治定陶縣高帝五年爲梁國治 彭越都此高帝十年以反誅十

一年高帝子恢封梁王以後梁國不治此景帝中六年分梁國置濟陰國後元元年

國除 王不識立一年薨無後中六年後爲濟陰郡宣帝甘露二

年改名定陶國四年復爲郡 王嬰徙楚成帝河平四年復爲定陶國

共王康自山陽徙封於此哀帝建平二年國除為濟陰郡共王卒子欣立入為皇太子即哀帝也成帝封楚孝王孫景於此奉共王祀建平二年尊共王為恭皇立廟京師景徙信都定陶國除後漢初為定

陶國尋除為郡仍名濟陰永平十五年復為濟陰國建安十一年國

除為郡永平十五年劉長封濟陰王立十二年於元和元年卒無後延光三年安帝廢太子保為濟陰王四年即皇帝

位是為順帝此後無封濟陰王者獻帝紀濟陰國除為郡在十

建安十一年蓋國未立王仍各國以待封至此始改為郡也十

七年復為國魏黃初元年復為郡三年復為國太和五年定陶

為縣王國彭城王據徙封濟陰降縣王濟陰復為郡六年定陶國罷復進封彭城

晉因之晉書齊王冏傳以子冰紹樂安王後以濟陰萬一千二百一十九戶改為廣陽國冏敗廢考惠帝紀永寧元年

封齊王冏子冰為樂安王英為濟陽王無冰改封廣陽之說廣

陽即濟陽之訛晉書有濟陽郡無濟陰郡亦因此致誤冏敗濟

陽即廢補東晉志以此陽字為陰之訛是也東晉又有濟陽郡治滑臺

續山東考古錄 卷之二十二 定陶縣 三 蝸角尖廬

定陶縣故城在西北五里史記穰侯列傳卒於陶秦復收陶

為郡蓋穰侯封此為國秦復以屬郡非於陶置郡也

後魏西兖州治濟陰郡治定陶縣治左城今為曹縣地孝昌三年於郡置

西兖州後州郡並徙左城齊周因之周西兖州改曹州

魏志定陶有定陶城未詳徙治何所

隋曹州濟陰郡定陶縣開皇十六年析置濟陰縣

唐濟陰縣地貞觀元年省定陶入濟陰為定陶鎮五代因之

寰宇記唐三百年定陶只為鎮成周廣順中建廩庾榷鹽利

宋京東西路廣濟軍治定陶縣乾德元年於濟陰定陶鎮置發

運務開寶九年茲從宋志寰宇記及通考並作元年改轉運司太平興國二年置

廣濟軍復置定陶縣

宋志無置縣之年寰宇記稱太平興國四年其定陶縣下又作五年為軍治

熙寧四年廢軍縣屬曹州元祐元年復

九域志定陶在州東北二十七里其時曹州治左城證以元

和志當作四十七里然元和志又稱古定陶城在濟陰東北

三十七里與曹國城去州之數又自互異以今考之三十七

里為是九域志闕一畫耳

若然則三驪亭當在定陶故城東北十二三里寰宇記之三十里乃

十三字倒文備考

寰宇記轉運使張去華奏請分曹單濮濟四州

之境民置定陶縣以利軍按曹之濟陰外當是單之成武濟

之鉅野濮惟雷澤差近而中隔乘氏或有牙錯處也

金山東西路曹州定陶縣

續山東考古錄

卷之二十二

定陶縣

齒 蝸角尖廬

金志定陶本宋廣濟軍熙寧間廢為定陶縣按軍治定陶非

廢軍改縣軍廢復置非熙寧後終廢也通考廣濟軍金領縣

一是金初軍猶未廢矣

元直隸都省山東曹州定陶縣

明山東布政司兗州府曹州定陶縣洪武元年屬濟寧府十年

省入城武十三年復正統十年隨曹州來屬

明定陶縣即今治府志成化十年知縣沈紹祖築土城於此

國朝山東布政司曹州府定陶縣初因明舊雍正二年屬曹州

直隸州十三年州升府仍屬

縣志

乾隆十七年修知縣雷宏宇

志多杜撰摘駁如左

舜封堯庶子

豢龍氏於陶邱按左傳豢龍氏名董父乃颺叔安之裔子  
漢書曰湯伐三鬲改其國曰曹 劉宋屬濟陰郡按宋  
無此地 後周改濟陰郡爲曹州按周郡猶領於州改西  
兗州爲曹州而郡如故 成陽城史記地理志云昔堯作  
游成陽注云成陽在定陶按此漢書地理志語非史記注  
是如淳注其時成陽屬定陶國非在定陶縣也 三鬲亭  
漢書曰曹國有三鬲亭按此似引後漢書郡國志而誤然  
在此志尙屬最有依據者 昔湯伐三鬲及振鐸之封作  
亭志湯以仁興桀以虐敗按竟不知亭是鄉亭 重邱卽  
此 遂國在蛇邱今鉅野定陶界有蛇邱 州公姜姓國  
在濟陰定陶縣桓公五年州公如曹師古漢書注曰淳于  
曰定陶 以上諸條繆妄已極而通志府志竟有承用之  
者



